

GRIFFITH, JOHN (fl. 1649-69), Llanddyfnan, bardd ac uchelwr

Enw: John Griffith

Rhiant: Dorcas Griffith (née Prydderch)

Rhiant: John Griffith

Rhyw: Gwryw

Galwedigaeth: bardd ac uchelwr

Maes gweithgaredd: Perchnogaeth Tir; Barddoniaeth; Teuluoedd Brenhinol a Bonheddig

Awdur: Emyr Gwynne Jones

Nid hawdd yw ei leoli yn ach y teulu; mae cynifer o'r un enw mor agos i'w gilydd; ond y mae lle i dybied mai ef yw'r 7fed John Griffith yn yr ach honno, a'i fod felly yn fab i John Griffith VI a Dorcas, merch William Prydderch, rheithor Llanfechell. Ychydig a wyddys amdano y tu allan i'w ganu. Ceir llawer o'i waith - yn garolau, englynion, a chywyddau - ymhlith llawysgrifau Mostyn, Llanstephan, a Henblas yn y Llyfrgell Genedlaethol a llawysgrifau ychwanegol yr Amgueddfa Brydeinig. Fel eglwyswr a phleidiwr selog i'r brenin Siarl I, teimlai'n bur anfodlon o dan drefn y Piwritan, ac mewn rhai o'i gywyddau a'i gerddi rhydd ceir beirniadaeth finiog o'r drefn honno fel yr effeithiai ar ei fro ef ei hun. Ni lwyddwyd i weled dim diweddarach na 1669 ganddo, sef marwnadau [Edward Wynne](#), Bodewryd, a Mrs. Lumley Lloyd, Lligwy. Yn ôl copi'r esgob ('Bishop's Transcript') o gofrestr y plwyf, claddwyd rhyw John Griffith yn Llanddyfnan ar 11 Mai 1675, ond nid oes dim sicrwydd mai'r bardd ydoedd.

Awdur

Emyr Gwynne Jones, (1911 - 1972)

Ffynonellau

Cymdeithas Llên Cymru, ii, 16-26, 41-3

Trafodion Cymdeithas Hynafiaethwyr a Naturiaethwyr Môn, 1938, 50-6

J. E. Griffith, *Pedigrees of Anglesey and Carnarvonshire Families* (1914), 14

Dolenni Ychwanegol

Wikidata: [Q20733424](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

